

Sri Pahang yakin curi mata dari laman Selangor

Oleh [Asrol Awang](#) - April 27, 2022 @ 6:30pm

sukanteam@NSTP.COM.MY



Pemain Sri Pahang meraikan jaringan mereka ketika bertemu Penang FC dalam saingan Liga Super di Stadium Darul Makmur, pada hujung minggu lalu. Sri Pahang menang 3-1. - Foto ihsan FB Sri Pahang FC.

KUANTAN: Pengendali Sri Pahang FC, Christophe Gamel mengakui menghormati Selangor FC menjelang pertemuan kedua-dua pasukan dalam saingan Liga Super di Stadium MBPJ, Petaling Jaya, malam esok.

Jurulatih berasal dari Perancis itu berkata pengalaman yang dimiliki barisan pemain Red Giants itu memberikan kelebihan kepada skuad itu.

"Saya akui Selangor sebuah pasukan yang mantap terutama beraksi di tempat sendiri selain memiliki pemain kebangsaan. Bagaimanapun, saya percaya peluang kami

untuk mengutip mata di tempat lawan tetapi ada kerana percaya dengan semua pemain.

"Pemain juga bersemangat selepas mencatat kemenangan pertama ketika menewaskan Penang FC minggu lalu yang meningkatkan motivasi," katanya.

Jurulatih berusia 50 tahun itu berkata, segalanya terpulang kepada anak buahnya untuk mengekalkan prestasi mereka.

Katanya, peningkatan prestasi yang dipersembahkan selepas empat perlawanan diharap memberi lebih keyakinan untuk mencatat kemenangan kedua dalam saingan Liga Super.

"Saya harap pemain dapat memanfaatkan segala peluang yang ada dan tidak melakukan kesilapan mudah," katanya.

Selepas empat perlawanan, skuad Tok Gajah mendaki kedudukan kesembilan liga dengan mengutip empat mata daripada empat perlawanan.

Jika menang ke atas Selangor, Sri Pahang boleh memperbaiki kedudukan lebih baik iaitu di kedudukan kelima.